

նէր դրամ 'ի վանս , այլ և անկեալ էին ընդ պարտեօք , և հրաման վէճիրին սաստիկ և անդառնալի էր . ուստի անկան 'ի գրունս քաղաքացի ժողովրդոց , և ժողովեցին դրամս որքան եւ գտին կրկին տոկոսեօք , մինչեւ առնուլ զգարդս կանանց , խոստանալով նոցա դարձուցանել զինի ամսօրեայ ժամանակի , և այսպիսի եղանակաւ հատուցին զ500 քսակս զբաժին Հայոց :

Յետ վախճանելոյ Պետրոս Պատրիարքի , որ կալաւ զԱթոռ Պատրիարքութեան ամս եօթն , ժողովեալ միարանաց գրեցին գիր հանրական առ Պատրիարքն և առ իշխանաւորս ազգին՝ ծանուցանելով զմահ Պետրոսի . եւ ապա թախանձանօք խնդրէին 'ի նոցանէ ընտրել զմի ոք 'ի միաբանաց Ս . Յակոբայ լինել հովիւ և առաջնորդ ինքեանց , որում խոստանային հնազանդիլ և կրել 'ի գլուխ իւրեանց իրրեւ զպսակ ոսկի , և մի' ընտրել զոք յարտաքին Եպիսկոպոսաց . գրեցին նաեւ առ Յակոբ եպիսկոպոս փոխանորդն հոգ տանիլ գործոյն :

Եւ յերկարիլ խնդրոյն , գրեցին նաեւ Յ Եպիսկոպոսունք , յորում յայտ առնէին զողբալի վիճակ թշուառութեան Աթոռոյն՝ յերեսաց հարստահարիչ և կեղեքիչ այլազգեաց . սոքա տկարացան և ձանձրացան 'ի գրելոյ զագէտս իւրեանց , այլ ոչ կարացին զարթուցանել զազգայինս 'ի քնոյ . Յոյնք և Լատինք ծանեան զաղքատութիւնս և զթշուառութիւնս միաբանացն Հայոց , սկսան ոտնահար լինել և թշնամանել զնոսա և հակառակիլ 'ի բազում պարագայս , որպէս յայսմ ամի արգելին Լատինք զժամարարն Հայոց իջանելոյ 'ի Գիւտ Խաչն , որոյ վասն եղև վէճ 'ի մէջ երկուց ազգաց , և Յոյնք սկսան ծածկապէս որոգայթ լարել . զի ջանային հանել հրովարտակ հակառակ Հայոց , և չրջեցին զառաջին սէրն յատեւութիւն :

Զկնի մահուան Պետրոս Պատրիարքի , խորհրդականք բացին զՊատրիարքարանն և գտին միայն 9000 դահեկան , եւ զտումարս ելլոց և մտից Աթոռոյն . պարտքն ծանրացեալ , եկեղեցական անօթք նուազեալ , և առանց գրուի չէր ոք որ տայր զգրամ : Յետ ծանուցանելոյ զայսոսիկ , զերկուս իրս առաջի եղին ազգին . կամ դնել 'ի գրաւի զմին 'ի վանաց , որպէս լեալ էր յաւուրս Տեղակալաց ,